



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԲԱՐՁՐ ՏԵԽՆՈԼՈԳԻԱԿԱՆ
ԱՐԴՅՈՒՆԱԲԵՐՈՒԹՅԱՆ ՆԱԽԱՐԱՐ**

Հ Ր Ա Մ Ա Ն

“ 13 ” փետրվարի 2026 թվական
ք. Երևան

N 319-Ա

1043 «ԲԱՐՁՐ ՏԵԽՆՈԼՈԳԻԱԿԱՆ ԱՐԴՅՈՒՆԱԲԵՐՈՒԹՅԱՆ ԷԿՈՀԱՄԱԿԱՐԳԻ ԵՎ ՇՈՒԿԱՅԻ ԶԱՐԳԱՑՄԱՆ ԾՐԱԳԻՐ» ԾՐԱԳՐԻ «11009 ՁԵՌՆԵՐԵՑՈՒԹՅԱՆ ՏԵԽՆՈԼՈԳԻԱԿԱՆ ԷԿՈՀԱՄԱԿԱՐԳ» ՄԻՋՈՑԱՈՄԱՆ ԾՐԱԳԻՐԸ ԵՎ ԾՐԱԳՐԻ 2026 ԹՎԱԿԱՆԻ ՖԻՆԱՆՍԱԿԱՆ ՄԻՋՈՑՆԵՐԻ ԲԱՇԽՎԱԾՈՒԹՅՈՒՆԸ ՀԱՍՏԱՏԵԼՈՒ ՄԱՍԻՆ

Ղեկավարվելով Հայաստանի Հանրապետության կառավարության 2025 թվականի դեկտեմբերի 25-ի N 1910-Ն որոշման 14-րդ կետի «գ» ենթակետով՝

Հ Ր Ա Մ Ա Յ ՈՒ Մ Ե Մ

1. Հաստատել՝

1) 2026 թվականի 1043 «Բարձր տեխնոլոգիական արդյունաբերության էկոհամակարգի և շուկայի զարգացման ծրագիր» ծրագրի «11009 Ձեռներեցության տեխնոլոգիական էկոհամակարգ» միջոցառման ծրագիրը (այսուհետ՝ Ծրագիր)՝ համաձայն հավելված 1-ի,

2) Ծրագրի 2026 թվականի ֆինանսական միջոցների բաշխվածությունը՝ համաձայն հավելված 2-ի:

2. Սույն հրամանի կատարման նկատմամբ հսկողությունը վերապահել ՀՀ բարձր տեխնոլոգիական արդյունաբերության նախարարի տեղակալ Ռուբեն Սիմոնյանին:

2/13/2026

X

Մխիթար ՀԱՅՐԱՊԵՏՅԱՆ

Signed by: HAYRAPETYAN MKHITAR 2505901047

Մխիթար ՀԱՅՐԱՊԵՏՅԱՆ



2026 ԹՎԱԿԱՆԻ ԾՐԱԳԻՐ

«11009 ՁԵՌՆԵՐԵՑՈՒԹՅԱՆ ՏԵԽՆՈԼՈԳԻԱԿԱՆ ԷԿՈՎԱՄԱԿԱՐԳ» ՄԻՋՈՑԱՌՄԱՆ

Բովանդակություն

Հիմնախնդիր.....	2
Ծրագրի նպատակ	2
Ծրագրի նկարագրություն	2
Բաղադրիչ 1. «Գաղափարից մինչև թիզնես» ծրագիր.....	2
«Գաղափարի փուլ» բաղադրիչ.....	2
Բաղադրիչ 2. «Սևան Ստարտափ Սամմիթ-2026».....	3
Բաղադրիչ 3. «Դեպի աշխատաշուկա». նորարարական կենտրոն Կապանում	3
Բաղադրիչ 4. Միջազգային արտելերացիոն ծրագիր (Plug and Play Armenia).	4
Բաղադրիչ 5. Ծրագրի և միջոցառումների հանրայնացում.....	4
Ծրագրի սկզբունքները.....	4
Ծրագրի 2026 թվականի ֆինանսական միջոցների բաշխվածություն.....	6

Հիմնախնդիր

Ծրագրի մշակման հիմքում ընկած է ՀՀ կառավարության 2021 թվականի օգոստոսի 18-ի «Հայաստանի Հանրապետության կառավարության ծրագրի մասին» N 1363-Ա որոշման հավելվածի «2.3 Բարձր տեխնոլոգիաներ» մասով սահմանված նպատակները, որոնց համաձայն ՀՀ կառավարությունը շարունակելու է նպաստել նորարարական համակարգի զարգացմանը և տարբեր ոլորտներում վերջինիս համակողմանի ներդրմանը:

Նորարարական համակարգի զարգացման գործընթացում առանցքային և նշանակալի դեր ունի ձեռնարկատիրական էկոհամակարգի կայացումը:

Մի շարք ոլորտային ուսումնասիրություններ¹ փաստում են, որ հայաստանյան ձեռնարկատիրական համակարգի բացերից են ձեռնարկատիրական կրթությունը, ձեռներեցության ֆինանսավորումը, տեխնոլոգիական ինկուբատորների և աքսելերատորների կայացման ցածր մակարդակը, ինչպես նաև կարևորում են կառավարության կողմից ներդրվող ծրագրերի անհրաժեշտությունը, որոնք կնպաստեն ձեռներեցության խթանմանը: Նշված համակարգային խնդիրների լուծման նպատակով ՀՀ բարձր տեխնոլոգիական արդյունաբերության նախարարության կողմից 2026 թվականի ընթացքում նախատեսվում է շարունակել «Ձեռներեցության տեխնոլոգիական էկոհամակարգ» միջոցառումը:

Ծրագրի նպատակ

Ծրագրով առաջարկվում է խթանել Հայաստանի ազգային նորարարական համակարգի զարգացումը, ստեղծել անհրաժեշտ ինովացիոն միջավայր նոր ընկերությունների ձևավորման ու առաջընթացի համար, այդպիսով նպաստել նաև մարդկային կապիտալի զարգացմանը:

Ծրագիրը նպատակ ունի պետական միջամտությամբ լրացնելու հայաստանյան նորարարական համակարգում առկա բացերը՝ սկսելով թույլ զարգացած օղակներից: Մասնավորապես նախատեսվում է սկսնակ տեխնոլոգիական ընկերություններին և թիմերին ապահովել ֆինանսավորման և աճի հնարավորություններով, ինչպես նաև ստեղծել նոր գիտելիքի ներհոսքի հնարավորություններ: Ծրագրի վերջնարդյունքում ակնկալվում է ունենալ տեխնոլոգիական սկսնակ ընկերություններ, որոնց որոշակի մասը պատրաստ կլինի ներդրողներից ներդրումներ ներգրավել:

¹ ԵՏՀ ՄԱԿ (2020). Նորարարության քաղաքականության պատկերը Արևելյան Եվրոպայի և Հարավային Կովկասի երկրների համար, Ամերիա ՓԲԸ (2020). Ձեռնարկատիրության Համաշխարհային Ձեկույց Հայաստան 2019/2020:

Ծրագրի նկարագրություն

Ծրագիրը բաղկացած է **փոխկապակցված 5 ենթածրագրերից (բաղադրիչներից):**

Բաղադրիչ 1. «Գաղափարից մինչև բիզնես» ծրագիր

«Ը բարձր տեխնոլոգիական արդյունաբերության նախարարությունը «Գաղափարից մինչև բիզնես» բաղադրիչի միջոցով ֆինանսավորում կտրամադրի սկսնակ տեխնոլոգիական ընկերություններին և գիտահետազոտական թիմերին առևտրայնացնելու իրենց գաղափարները և նոր արժեք ստեղծելու տնտեսությունում: Դրամաշնորհների տեսքով ֆինանսավորման տրամադրումն ընկերություններին հնարավորություն կտա սաղմնային և աճի փուլերում ապահովելու արտադրանքի զարգացումը, կայանալու և ապագայում ավելի գրավիչ ու վստահելի դառնալու ներդրումների, բանկային վարկավորման կամ պատվիրատուների համար:

Ծրագիրը նպատակ ունի նաև հանրայնացնել ձեռներեցության գաղափարը, բարձրացնել դրա նկատմամբ հետաքրքրվածությունը, ինչպես նաև խթանել ձեռներեցության միջոցով և բարձր տեխնոլոգիական լուծումների կիրառմամբ երկրում առկա սոցիալ-տնտեսական խնդիրների լուծումը:

2026 թվականի «Գաղափարից մինչև բիզնես» բաղադրիչի ներքո նախատեսվում է անցկացնել դրամաշնորհների տրամադրման մրցույթ «Գաղափարի փուլ» բաղադրիչով:

Այս փուլի շրջանակում նախատեսվում է մինչև 15 թիմի տրամադրել մինչև 5,000,000 ՀՀ դրամ: Ծրագրի բյուջեի առավելագույն չափը կազմում է 75,000,000 ՀՀ դրամ:

Բաղադրիչ 2. «Սևան Ստարտափ Սամմիթ 2026» ծրագիր

Նախատեսվում է աջակցել «Ստարտափ Արմենիա» գիտակրթական հիմնադրամին՝ 2026 թվականի հուլիսի 26-ից օգոստոսի 1-ն իրականացնելու «Սևան Ստարտափ Սամմիթ-2026» միջոցառումը:

Հիմնադրամից ի վեր «Սևան Ստարտափ Սամմիթ»-ը հյուրընկալել է ավելի քան 40.000 մասնակցի և հյուրերի աշխարհի շուրջ 50 երկրից: Միջոցառումը կարևոր դերակատարում է ունեցել Հայաստանի Հանրապետության ստարտափ էկոհամակարգի ձևավորման և զարգացման գործում: Տարիներ շարունակ հյուրընկալել է արտասահմանյան ստարտափ էկոհամակարգի բազմաթիվ ներկայացուցիչների, ովքեր, Հայաստան գալով, իրենց հետ բերել են նաև տարիների փորձով ձևավորված միջազգային ստարտափ մշակույթ:

«Սևան Ստարտափ Սամմիթ-2026»-ին նախատեսվում է շուրջ 250 ստարտափների մասնակցություն՝ մոտ 40 երկրներից: Միջոցառման կազմակերպման և իրականացման համար նախատեսվում է հատկացնել 200,000,000 ՀՀ դրամ:

Բաղադրիչ 3. «Դեպի աշխատաշուկա» նորարարական կենտրոն Կապանում ծրագիր

Ծրագրի շրջանակում պետություն-մասնավոր հատված համագործակցության հիմքով նախատեսվում է Կապանում հիմնել նորարարական և տեխնոլոգիական կենտրոն, որն իր գործունեությամբ կնպաստի տեղում տաղանդների հայտնաբերման ու զարգացման, նորարար ձեռներեցության խթանման, աշխատաշուկայի պահանջներին համապատասխան կրթության ապահովման գործընթացին, ինչպես նաև կստեղծի տեխնոլոգիական ոլորտի զարգացման համար անհրաժեշտ ենթակառուցվածքներ:

Կենտրոնը կապահովի ֆորմալ և ոչ ֆորմալ կրթություն, վերապատրաստման և արքելերացիոն ծրագրերի իրականացում, կտրամադրի coworking տարածքներ և տեխնոլոգիական լաբորատորիաներ, ինկուբացիոն և արքելերացիոն ծառայություններ, ինչպես նաև կկազմակերպի տեխնոլոգիական միջոցառումներ:

Ծրագրի տևողությունը շուրջ 3-4 տարի է:

2026 թ. բյուջեով նախատեսված է հատկացնել 150, 000, 000 ՀՀ դրամ:

Բաղադրիչ 4. Միջազգային արքելերացիոն ծրագիր (Plug and Play Armenia)

2025 թվականին միջազգային Plug and Play կազմակերպության հայաստանյան մասնաճյուղ «Փլագ Ընդ Փլեյ Երևան» ՍՊԸ-ի հետ կնքվել է եռամյա համագործակցության պայմանագիր, որի շրջանակներում իրականացվելու են 2 ինկուբացիոն, 2 նախաարքելերացիոն և 2 արքելերացիոն ծրագրեր: Ծրագրերին մասնակցելու են 15-20 ստարտափ: Ծրագրի մասնակիցներին հնարավորություն կընձեռնվի խորապես զարգացնել իրենց գիտելիքները, ծանոթանալ միջազգային շուկա մուտք գործելու և իրենց դերն ամրապնդելու գաղտնիքներին, ծանոթանալու միջազգային թրենդներին, շուկային պահանջարկին, ինչպես նաև ծրագրից հետո պահելու շարունակական կապն արքելերացիոն կազմակերպության հետ՝ ընդգրկվելով իրենց գլոբալ ցանցում (network):

2026 թվականին նախատեսվում է շարունակել 2025 թվականի հոկտեմբերի 17-ին մեկնարկած ինկուբացիոն ծրագիրը, որի ավարտից հետո նախատեսվում է իրականացնել նախաարքելերացիոն ծրագիր:

2026 թվականին սեպտեմբերից նախատեսվում է մեկնարկել նաև արքելերացիոն ծրագիր, որը կամփոփվի 2027 թվականին:

Ծրագրի ընդհանուր բյուջեն տարեկան կազմում է 530,000,000 ՀՀ դրամ:

Բաղադրիչ 5. Տեղեկատվության և միջոցառումների հանրայնացում

2026 թվականին նախատեսվում է 3,000,000 ՀՀ դրամ տրամադրել Ծրագրերի հանրայնացման նպատակով: Վերոնշյալ գումարը կտրամադրվի մրցութային կարգով՝ «Գնումների մասին» ՀՀ օրենքին համապատասխան:

Ծրագրի սկզբունքները

Ծրագրի բաղադրիչների իրականացման ընթացքում հաշվի են առնվելու տարածքային համաչափության, ոլորտային զարգացման, ներառականության, թափանցիկության ու հաշվետվողականության սկզբունքները:

➤ Տարածքային համաչափություն

Տարածքային համաչափ զարգացում ապահովելու համար ծրագրի բաղադրիչների ուղղակի և անուղղակի շահառուներ կլինեն ոչ միայն Երևանի, այլ նաև ՀՀ մարզերում հիմնադրված և գործող կազմակերպությունները և քաղաքացիները:

➤ Ոլորտային զարգացում

Ծրագրի բաղադրիչներն ուղղված կլինեն տնտեսության մի շարք ոլորտներում տեխնոլոգիական առաջընթացի ապահովմանը և բարձր տեխնոլոգիաների կիրառմամբ այդ ոլորտներում արտադրողականության բարձրացմանը:

➤ Ներառականություն և թափանցիկություն

Ծրագրի բաղադրիչների շրջանակում նախագծերի, ընտրության չափանիշների մշակման և հայտերի գնահատման բոլոր փուլերում կապահովվի մասնագիտական շահագրգիռ կողմերի ներգրավվածությունը, ինչպես նաև հասարակության համար կապահովվի գործընթացի առավելագույն թափանցիկությունը:

➤ Հաշվետվողականություն

Ծրագրի շրջանակներում կիրականացվի շարունակական մոնիտորինգ՝ հաշվետվողականություն ապահովելու, ինչպես նաև ներդրումների արդյունավետության գնահատում կատարելու նպատակով:

➤ Ծրագրի ազդեցության գնահատում

Կարևորելով հարկատուների առջև հաշվետվողականության սկզբունքը՝ կատարվելու է ծրագրի բաղադրիչների արդյունքների գնահատում: Գնահատման ընթացքում հաշվի կառնվեն շահառու ընկերությունների, թիմերի և անձանց կողմից գրանցած հաջողությունները՝ արտադրանքի կամ մատուցված ծառայությունների զարգացման և շուկայում հեղինակության ձևավորման առումով:

Ծրագրի 2026 թվականի ֆինանսական միջոցների բաշխվածություն

N	Ծրագրի բաղադրիչներ	Ընդհանուր բյուջե	Արդյունքային ցուցանիշ	Ընթացակարգ
1.	«Գաղափարից մինչև բիզնես» ծրագիր «Գաղափարի փուլ»	75 մլն ՀՀ դրամ	Մինչև 15 կազմակերպություն	Դրամաշնորհ
2.	«Սևան Ստարտափ Սամմիթ 2026» ծրագիր	200 մլն ՀՀ դրամ	Մինչև 250 կազմակերպություն	Գնում
3.	«Դեպի աշխատաշուկա» նորարարական կենտրոնն Կապանում ծրագիր	150 մլն ՀՀ դրամ	1 միջոցառում	Դրամաշնորհ
4.	Միջազգային արքեվերացիոն ծրագրի անցկացում	540 մլն ՀՀ դրամ	1 միջոցառում, մինչև 20 կազմակերպություն	Գնում
5.	Տեղեկատվության և միջոցառումների հանրայնացում	3 մլն ՀՀ դրամ	Մինչև 6 միջոցառում	Գնում
	ԸՆԴԱՄԵՆԸ	968 մլն ՀՀ դրամ (ներառյալ՝ հարկերը)		